

Bosna i Hercegovina
Federacija Bosne i Hercegovine
KANTON SARAJEVO
Ministarstvo saobraćaja
Direkcija za puteve



Босна и Херцеговина
Федерација Босне и Херцеговине
КАНТОН САРАЈЕВО
Министарство саобраћаја
Дирекција за путеве

Bosnia and Herzegovina
Federation of Bosnia and Herzegovina
CANTON SARAJEVO
Ministry of traffic
Road Directorate

Broj: 01-04-49840-2/25 (SS-1)
Sarajevo, 23.10.2025. godine

SKUPŠTINA KANTONA SARAJEVO
ul. Reisa Džemaludina Čauševića 1, 71000 Sarajevo

Predmet: Odgovor na:

zastupničko pitanje FARUK SELMANOVIĆ veza broj: 01-04-49840-2/25 od 15.10.2025.

Rekonstrukcija Dobroševičke ulice na području MZ Dobroševići

Odgovor: Direkcija za puteve i Općina Novi Grad su započeli saradnju na realizaciji rekonstrukcije Dobroševičke ulice u dužini cca 2,90km. Početak dionice je blizu nadvožnjaka A1, pa sve do spoja Dobroševičke ulice sa Rajlovačkom cestom. Osim saobraćajnice i trotoara sa obje strane, radiće se oborinska i fekalna kanalizacija separarno sa priključcima u punoj dužini.

Urađen je Idejni projekat, sve u skladu sa regulacionim planovima i ishodovana je urbanistička saglasnost za ukupnu dionicu.

Zbog lakše implementacije, dionica će se raditi u dvije faze:

I faza: od nadvožnjaka A1 do Kargo betonare, dužine 1360m

II faza: od Kargo betonare do spoja Dobroševičke ulice sa Rajlovačkom cestom.

Glavni projekat I faze je završen, usvojen, radi se na rješavanju imovinsko-pravnih odnosa, ishodovanju saglasnosti potrebnih za odobrenje za građenje. Po izdavanju odobrenja za građenje pristupilo bi se implementaciji. Planirano je i nadamo se da će to biti sljedeća građevinska sezona.

Paralelno sa ovim aktivnostima, radi se Glavni projekat II faze.

Dobroševička ulica jeste prioritet u planu Direkcije za puteve po pitanju rekonstrukcije u narednom periodu. Zakonske procedure su takve da za sve projekte dugo traje ishodovanje saglasnosti za odobrenje za građenje, kao i rješavanje imovinsko-pravnih odnosa.



Adresa: Hamida Dizdara 1, 71 000 Sarajevo
Tel: + 387 (0) 33 560-402, Fax: + 387 (0) 33 560-426
Web: <http://ms.ks.gov.ba>, E-mail: dp@dp.ks.gov.ba;

Prilog:

dopis broj: 01-04-49840-2/25 od 15.10.2025.



IREKTOR

Selma [redacted] pl.inž.saob.

Dostaviti:

- naslovu
- evidencija
- a/a



131
PB-1
1278

Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Broj:01-04-49840-2/25
Sarajevo, 15.10.2025. godine

-MINISTARSTVO SAOBRAĆAJA KANTONA SARAJEVO

DIREKCIJA ZA CESTE KANTONA SARAJEVO
Hamida Dizdara 1,

PREDMET: Zastupničko pitanje, dostavlja se -

Zastupnik Faruk Selmanović na 25. radnoj sjednici Skupštine Kantona Sarajevo, održanoj dana 15.10.2025. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa čl. 211. i 214. Poslovnika Skupštine Kantona Sarajevo postavio je zastupničko pitanje koje vam u prilogu dostavljamo.

Zastupnik je pitanje dostavio u pisanoj formi, te vam isto dostavljamo u prilogu s molbom da u skladu sa odredbama Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) odgovor, u pisanom obliku, uputite predsjedavajućem Skupštine Kantona Sarajevo kako bi isti dostavili zastupnicima u Skupštini.

Prilog: Zastupničko pitanje

Pripremila: Amela Smailagić-Čamdžić
Kontrolisala: Aida Zeković



PREDSEDavajući
SKUPŠTINE KANTONA SARAJEVO

[Redacted signature]

CO:

- sekretar SKS
- sekretar Vlade



Faruk Selmanović
Zastupnik u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

n/r Predsjedavajući Skupštine Kantona Sarajevo

Uputiti:

Ministarstvu saobraćaja Kantona Sarajevo
Direkciji za ceste Kantona Sarajevo

PREDMET: ZASTUPNIČKO PITANJE

Rekonstrukcija Dobroševićke ulice na području MZ Dobroševići

Poštovani,

Dobroševićka ulica, koja se nalazi na području Mjesne zajednice Dobroševići, jedna je od najprometnijih saobraćajnica u ovom dijelu Općine Novi Grad Sarajevo. Ulica je dužine oko 2 kilometra, a proteklih deset godina na istoj nije rađena nikakva rekonstrukcija niti ozbiljnija sanacija kolovoza.

Stanje na terenu je izuzetno loše – gotovo da ne postoji deset metara kolovoza bez rupa, oštećenja i zakrpa, što svakodnevno otežava odvijanje saobraćaja, ugrožava bezbjednost učesnika i dodatno oštećuje vozila građana koji ovu dionicu svakodnevno koriste. Imajući u vidu da se ovom ulicom svakodnevno kreće veliki broj vozila, uključujući i javni prevoz, stanje zahtijeva hitnu intervenciju nadležnih institucija.

S tim u vezi, upućujem sljedeće zastupničko pitanje:

1. Da li Direkcija za ceste Kantona Sarajevo planira rekonstrukciju Dobroševićke ulice u narednom periodu? Ako nije planirana, molim da se navede iz kojeg razloga i da li se može uvrstiti u Plan investicija za 2026. godinu, imajući u vidu frekventnost saobraćaja i višegodišnje zapušteno stanje kolovoza.
2. Da li je u prethodnim godinama Direkcija za ceste Kantona Sarajevo izrađivala projektnu dokumentaciju za rekonstrukciju ove ulice, te ako jeste, molim da se dostavi informacija o fazi u kojoj se projekat trenutno nalazi (npr. idejno rješenje, glavni projekat, tenderska priprema i sl.).
3. Da li je općina Novi Grad Sarajevo dostavila inicijativu ili prijedlog za uvrštavanje rekonstrukcije Dobroševićke ulice u plan Direkcije za ceste, te ako jeste, molim da se navede kada i na koji način je ta inicijativa razmatrana.

4. Koji su kriteriji po kojima se utvrđuje prioritet prilikom rekonstrukcije saobraćajnica na području Kantona Sarajevo, i da li Dobroševićka ulica ispunjava te kriterije (frekventnost, povezanost, stanje kolovoza, naseljenost i sl.)?

Obrazloženje:

Stanovnici Mjesne zajednice Dobroševići već duže vrijeme ukazuju na izuzetno loše stanje ove saobraćajnice, koje ne samo da otežava kretanje i povećava rizik od saobraćajnih nezgoda, već doprinosi i ubrzanom propadanju infrastrukture, naročito nakon zimskog perioda.

S obzirom da se radi o ulici koja povezuje više naselja, te da predstavlja važnu vezu prema magistralnom pravcu i prigradskim područjima, smatram da je opravdano da Direkcija za ceste i Ministarstvo saobraćaja Kantona Sarajevo ovu lokaciju uvrste među prioritete u planu rekonstrukcija za naredni period.

Tražim da mi se, kao zastupniku u Skupštini Kantona Sarajevo, dostavi detaljan odgovor na navedena pitanja, uključujući eventualne planove, rokove i budžetske projekcije vezane za rekonstrukciju Dobroševićke ulice.

S poštovanjem,

Faruk Selmanović, zastupnik u Skupštini Kantona Sarajevo
Skupština Kantona Sarajevo